



Čestitke Banja Luci, kao finalisti za europsku prijestolnicu kulture 2024

Visoki predstavnik Valentin Inzko čestitao je gradonačelniku Banja Luke i visoko profesionalnom i kreativnom timu koji je radio na kandidaturi toga grada za europsku prijestolnicu kulture 2024., na tome što su dospjeli u finale, zajedno s norveškim gradom Bodø, koji je u konačnici izabran.

“Ovo je zaista odličan uspjeh za Banja Luku i želim čestitati svakoj osobi u odličnom timu koji je predvodio gradonačelnik Igor Radojičić, što su svijetu pokazali drukčiju sliku RS i BiH, sliku koja pokazuje sve što ova zemlja i njeni ljudi imaju ponuditi Evropi kao svome domu. Posebno je ohrabrujuće što su kandidaturu Banja Luke podržali Bihać i Jajce, u okviru projekta “Koalicija bh. gradova”, i nadam se da će se sinergija i uloženi napor na ovom projektu nastaviti u budućnosti i polučiti vidljive rezultate i unutar Bosne i Hercegovine”, rekao je visoki predstavnik.